



## **PEKELILING PERBENDAHARAAN NEGERI BILANGAN 3 TAHUN 2020**

Semua Pegawai Pengawal Jabatan Kerajaan Negeri  
Semua Ketua Pengurusan Pihak Berkuasa Berkanun Negeri  
Semua Ketua Pengurusan Pihak Berkuasa Tempatan Negeri

### **MENERIMAPAKAI PEKELILING PERATURAN BERKAITAN LANJUTAN MASA (EOT) ATAU LANJUTAN TEMPOH KONTRAK (LTK) BAGI KONTRAK KERAJAAN YANG TERKESAN OLEH PENGUATKUASAAN PERINTAH KAWALAN PERGERAKAN (PKP)**

#### **1. TUJUAN**

Pekeliling ini adalah bertujuan untuk memaklumkan kepada semua Pegawai Pengawal Jabatan Negeri mengenai keputusan Kerajaan Negeri untuk menerimapakai Peraturan Berkaitan Lanjutan Masa (EOT) Atau Lanjutan Tempoh Kontrak (LTK) Bagi Kontrak Kerajaan Negeri Yang Terkesan Oleh Penguatkuasaan Perintah Kawalan Pergerakan (PKP).

#### **2. LATAR BELAKANG**

- 2.1 Kerajaan Negeri melalui Perutusan Khas YAB Perdana Menteri (PM) pada 16 dan 25 Mac 2020, diikuti pula pada 10 serta 23 April 2020 telah mengisytiharkan Perintah Kawalan Pergerakan (PKP) bermula 18 Mac hingga 12 Mei 2020 bertujuan untuk mengurangkan interaksi individu secara bersemuka bagi membendung penularan wabak pandemik COVID-19.
- 2.2 Arahan PKP yang dikeluarkan oleh YAB PM adalah selaras dengan akibat penularan pandemic COVID-19 dan Kerajaan Negeri dicadangkan untuk memberikan EOT disebabkan arahan PKP sebagaimana yang dilaksanakan oleh Kerajaan Malaysia.

- 2.3 Peraturan ini bertujuan untuk memberi panduan kepada Jabatan melaksanakan Lanjutan Masa (*Extension of Time – EOT*) atau Lanjutan Tempoh Kontrak (LTK) bagi kontrak yang terkesan dengan penguatkuasaan PKP.

### 3. PIHAK BERKUASA MELULUS (PBM)

- 3.1 Kelulusan EOT/LTK bagi mengambilkira kesan penguatkuasaan PKP boleh diputuskan oleh Pihak Berkuasa Melulus seperti berikut:

BIL.	JENIS KONTRAK/PERJANJIAN	PBM
1.	Kontrak perolehan kerja Kerajaan yang menggunakan PWD203A/ PWD203/ PWD DB	Pegawai Penguasa (SO)/Pengarah Projek (PD).
2.	Kontrak perolehan perkhidmatan perunding	(i) Pegawai Pengawal.
3.	Kontrak bekalan dan perkhidmatan bukan perunding yang bernilai RM500 ribu dan ke atas.	(i) Pegawai Pengawal.
4.	Kontrak perolehan Kerajaan yang bernilai di bawah RM500 ribu.  Contoh: kontrak undi, sebutharga dan lain-lain yang berkaitan.	(i) Pegawai Pengawal atau Pentadbir Kontrak ( <i>Contract Administrator – CA</i> ) iaitu Pegawai yang telah diturunkan kuasa untuk menandatangani kontrak selaras dengan Akta Kontrak Kerajaan 1949 berdasarkan had nilai kuasa.

- 3.2 SO/PD/CA/Wakil Kerajaan Negeri (*Government Representative – GR*) hendaklah melaksanakan penilaian untuk menentukan tempoh EOT/LTK yang boleh diberikan kepada semua kontrak yang terkesan dengan penguatkuasaan PKP.
- 3.3 Penilaian penentuan tempoh EOT/LTK hendaklah sekurang-kurangnya mengambilkira tempoh PKP dan faktor lain seperti *mobilisation* dan *demobilisation* pekerja, jentera dan peralatan oleh syarikat termasuk kesediaan tapak serta isu-isu lain. Tempoh EOT/LTK hendaklah diteliti dan diperinci bagi mendapatkan tempoh paling munasabah.
- 3.4 Menurut AP201.1, kelulusan LTK untuk kontrak perolehan bekalan dan perkhidmatan bukan perunding yang bernilai melebihi RM200 ribu hanya boleh diberi sekali sahaja. Walau bagaimanapun, pertimbangan LTK lebih dari sekali hanyalah dibenarkan bagi kontrak perolehan bekalan dan perkhidmatan bukan perunding yang terjejas dengan PKP sahaja tertakluk tidak melibatkan tambahan kuantiti. Ketetapan ini juga terpakai bagi kontrak perolehan bekalan dan perkhidmatan bukan perunding bernilai melebihi RM20 ribu sehingga RM200 ribu.
- 3.5 Semua pertimbangan dan kelulusan EOT/LTK oleh PBM bagi kontrak perolehan Kerajaan Negeri hendaklah dibuat ke atas kontrak yang masih berkuat kuasa. Walau bagaimanapun, pertimbangan kelulusan EOT/LTK bagi kontrak Kerajaan Negeri yang telah tamat dalam tempoh PKP atau sebulan selepas PKP berakhir adalah dibenarkan menggunakan tatacara ini.

#### **4. NOTIS EOT/LTK**

- 4.1 Selaras dengan pelaksanaan PKP, kelayakan untuk mendapatkan EOT/LTK adalah automatik diberikan kepada syarikat manakala tempoh pelanjutan adalah berdasarkan penilaian Jabatan. Oleh itu, notis EOT/LTK hendaklah dikeluarkan kepada syarikat bagi semua kontrak Kerajaan Negeri yang terjejas.

- 4.2 Notis EOT/LTK hendaklah dikeluarkan oleh SO/PD/CA/GR dan disampaikan kepada syarikat secara bertulis samada melalui surat, emel, faks atau lain-lain perhubungan termasuk hebahan menggunakan medium media sosial.

## 5. PENTADBIRAN KONTRAK

- 5.1 Bagi syarikat yang telah dikenakan Ganti Rugi Tertentu dan Ditetapkan (LAD) atau Denda Lewat (DL) sebelum PKP, pengiraan LAD/DL adalah sehingga 17 Mac 2020 sahaja. Seterusnya, syarikat adalah layak diberi EOT/LTK dengan tempoh seperti perenggan 3.4. Sekiranya syarikat masih gagal menyiapkan kerja/bekalan/perkhidmatan selepas EOT/LTK ini, maka Perakuan Kerja/Perbekalan/Perkhidmatan Tidak Siap hendaklah dikeluarkan dan LAD/DL hendaklah dikenakan semula.
- 5.2 LAD/DL hendaklah dihentikan dalam tempoh EOT/LTK yang diberikan akibat PKP dan dikenakan semula setelah tempoh EOT/LTK tersebut tamat.
- 5.3 Syarikat tidak layak untuk membuat Tuntutan Kerugian dan Perbelanjaan Tambahan (*Claim Loss & Expense*) bagi EOT/LTK akibat PKP ini berdasarkan ketetapan Kerajaan mengikut prinsip *force majeure*.
- 5.4 Bagi kontrak Kerajaan Negeri yang tidak mempunyai klausa *force majeure*, Jabatan hendaklah menyediakan perjanjian tambahan (*Supplementary Agreement – SA*) yang ringkas. Antara perkara yang perlu dimasukkan di bawah SA adalah:
- a. Tempoh EOT/LTK yang telah diluluskan; dan
  - b. Syarat di perenggan 5.3.

Jabatan hendaklah merujuk Pejabat Penasihat Undang-Undang Negeri untuk penyediaan SA.

5.5 Jabatan tidak perlu memohon syarikat mengemukakan Bon Pelaksanaan yang baharu bagi tempoh EOT/LTK yang diluluskan.

## 6 TARIKH KUAT KUASA

6.1 Peraturan ini terpakai kepada semua kontrak perolehan Kerajaan Negeri semasa yang berkuat kuasa pada atau selepas 18 Mac 2020. Jabatan hendaklah memastikan tindakan pelaksanaan EOT/LTK diselesaikan sebelum atau pada 31 Disember 2020.

6.2 Sekiranya terdapat perbezaan arahan MOF, peraturan dan tatacara perolehan dalam pekeliling khusus lain, maka peraturan yang digariskan melalui pekeliling ini adalah terpakai dan berkuat kuasa bagi tempoh yang ditetapkan oleh Kerajaan Negeri.

6.3 Sekiranya Jabatan sedang ataupun telah selesai melaksanakan EOT/LTK sebelum daripada Pekeliling ini diguna pakai oleh Kerajaan Negeri dan diedarkan kepada Jabatan, kaedah pelaksanaan itu hendaklah dianggap terpakai oleh Kerajaan Negeri.

Sekian, terima kasih.

**“ RAJA BERDAULAT, RAKYAT MUAFAKAT, NEGERI BERKAT**

Saya yang menjalankan amanah,



**DATO' AHMAD ROBERT BIN AB. RAHIM, D.P.S.K(Kelantan)**

Pegawai Kewangan Negeri

Kelantan

Bertarikh : 04 Muharram 1441H bersamaan 23 Ogos 2020M

Rujukan : PKN.(S).A 1/9-1/Jld.2(19)

Salinan kepada :

Yang Amat Berhormat Ustaz Dato' Bentara Kanan Menteri Besar Kelantan

Yang Berhormat Dato' Kaya Setia Setiausaha Kerajaan Negeri Kelantan

Yang Amat Berusaha Pengarah Audit Negeri Kelantan

Yang Berusaha Bendahari Negeri Kelantan